

靈洞山房集中卷



六虛堂主人趙志臯著

詩

初入靈洞山房有感

窟宅殊爲勝何年蔽草萊
亂烟迷曲逕落日掩荒臺
怪石飛雲下清泉玉髓來
寒生虛洞窈翠逼衆峰迴
亭廢半山在僧亡舊院開
重來築此地靈岫待人哉

白雲洞

從來隴上白雲多，飄泊隨風洞口過。
觸石起來紛玉葉，依巖常住結金柯。
卷舒忽占青天色，變化須成滄海波。
跨鶴仙人元是主，步虛何日徹笙歌。

紫霞洞

山城繚繞洞門開，片片飛霞錦作堆。
非霧非烟五色燦，常朝常暮九光迴。
赤標恍墮天邊景，紫氣應浮海上杯。
何用十洲尋異境，到於此地即蓬萊。

湧雪洞

萬山縈抱敞空同，氣結旃幪一竇通。
門外未深三尺雪，洞中常驗十年豐。
流泉石噴水盤屑，削壁光生玉藥宮。
夏日到來寒亦峭，誰云六出舞瑤空。

玉露洞

窟宅由來秘未傳偶從樵子得探玄幾迴
梯磴紆盤下百丈琅玕鍾乳懸天外金莖
靈液遠盆邊玉女掌珠圓中有玉女盆摩
崖因認前朝字不記逃秦有歲年

汝元弟見訪有作次韻

蓬門初辟喜相過落日紛紛掩翠阿洞口
雲將山色暝竹林泉帶雨聲多行迴曲磴
迷芳草坐倚懸崖掛碧蘿謾道漢庭虛賈
席青山得伴且高歌

春日同諸叔姪山遊

那禁春色遍岩阿策杖幽探喜並過徑轉
紆盤青嶂合泉飛曲澗綠楊多穿雲坐石
花爲幔席草銜杯鳥自歌剩取村醪盡餘
興夕陽歸路繞煙蘿

集喻明府邦相胡春元元瑞答贈
煙霞盡日掩柴荆車馬相過物外情墨綬

飄翩歌詠別接離倒着笑談傾雲中已覩
王喬烏月下還吹南郭笙豈是避秦來此
地青山迤邐好尋盟喻有避秦句
大夫逸駕訪山中詞客囊琴過水東絕調
迴聞雙白鶴孤標遙漸兩冥鴻雲隨杖底
千峯曉月滿尊前萬壑空漫道幽人多寂
莫狂來意氣許誰同

山中喜雪

朔氣凝寒凍不開半空雲亂雪飛來窓中
盡歎千峯玉庭際疑花萬樹梅鶴筆飄翩
仙客興兔園詞賦大夫才持盃漫自消殘
臘山月依微上碧苔

次蚤觀梅踏雪

昨夜山前雪盈尺今朝窓外報梅花亂飄
瓊葉明書幌暗度浮香入絳紗滿眼新詩
好自賦隔溪村酒爲誰賒曳來東郭先生

履踏破峯頭午未斜

雪中鶴舞

僵卧袁安晝掩扉逢迎野鶴舞殘暉向來
已認丹爲頂此日渾疑雪作衣瘦影冒寒
還矯矯霜毛騁素故飛飛忽驚折竹東墻
外長唳一聲烟霧稀

雪中汲泉煮茗

一鑑冷然逼太清天寒潦盡倒空明璇花
散入晝無影細草添波夜有聲綠乳光浮
銀粟起碧芽香沸素濤生風流自許能烹
雪却羨炮羔唱飲情

小橋晚坐

流水穿紆徑清陰覆小橋晚涼堪漱枕明
月在松梢

山徑獨往

一徑烟霞裡青袍杖履行小亭閑倚坐松

澗落濤聲

步蓮花峯

中有小洞

石上吐青蓮洞中生紫烟挾遊堪玩日羽
化是何年

卧栖雲岩

岩大如斗室白雲常寄栖閑來同借榻高
枕日頭西

登豐山有懷山房

環滁皆勝地可似靈源居秋曉三山碧春
深六洞虛白雲自怡悅綠樹共蕭疎靜舞
仙人鶴閑焚學士魚開窓晴點易荷笠雨
觀鋤午倦惟耽枕朝慵不解梳緬懷出塵
想因作絕交書門外無凡鳥花間有小車
汲泉烹露茗繞徑摘煙蔬燕雀窺人語松
蘿曳客裾銜杯咸席草陟巘並扶裾巖月
吐皎皎庭風來徐徐忘機渾元樸息慮盡

真如雅喜孫常侍悠然賦遂初憑高一眺
遠脩竹憶吾廬

夜坐有懷山房

夏日午偏燠開軒坐晚涼清風來高樹明
月生東墻羣動忽已息諸緣渾相忘白雲
縵天外遙憶空山房

紀山房夢

別山經五載千里夢長遊春日花尋塢秋
風月上樓雲根坐竒石巖底漱清流却怪
翩然蝶俄驚還是周

過淮憶山房

春風渡淮水明月照家山松桂叢青藹巖
巒護碧關鳥隨千嶂下雲共一亭閒到日
花應發開尊任解顏

靈洞山房歌

王大學士錫爵

嵒峩括蒼峰勢走平地矗立金華山九峰
森列若手指雙峴默默羅青髮自從初平
石羊去千古不破松蘿關洞房龍從閉白
日紫芝瑤草春斑斑鴻濛開闢豈無意麋
鹿雜引游人至宋濂學士親封題趙公爲
洗莓苔字公今出爲帝子師泉石藹藹添

春姿蒼生未了安石事却憶東山初起時
山頭流雲靜楚楚紫霞白雪相吞吐石上
錯落仙人田空中滴瀝桃花乳石燕成群
拂雨飛蝙蝠千年對人舞曲阿窈窕通暗
泉泉脉遶山山底懸皎如飛絲捲空翠黯
如水谷凝寒烟主人此時正休沐槐影深
深靜剝啄懸崖置屋勢自然穿渠引水流
自曲華床倦倚青松枝茶鐺閒煮白石粥
鳥含山氣聲始收客散晨鐘睡初足此心
泊然緣慮空老我已分隨狙公深山龍蛇
乍起陸滴水化雨從雷風長風秋蛟鱗甲
老鶴奴守舍青泥封知公自有烟霞相三
洞參差屹相望何心更與樵牧緣玉霞晚
出凌其上天留一壑待乃公赤松黃石紛
無恙老農失計來長安滿街落葉秋聲乾
吳山迢遞不到眼尋常杞菊爲汎瀾今朝

手把靈洞記夜夜夢隨溪水寒何時先鼓
剡溪棹爲君洒掃天中壇

遊白雲洞夜宿棲真寺

徐太卿用檢

向踏靈源第一峰翩翩佳侶對杉松
息偏卓錫文明晝慶洽頒經太上封
久去乍來聞過鴈一燈孤榻聽鳴鐘
浩歌漫謂雲雷動指顧將誰識大雄

附

喻太守均

時任蘭谿尹

遊四洞詩

有序

蘭谿據金華山麓故多洞壑余在事逾
年日齷齪簿領間救過不給詎復游意
山水自秋以迄趙太史仲子鳳翀數爲
余言湧雪紫霞白雲三洞去郭僅十里
許太史公別業在焉距白雲數武復有

一洞自前世秘不聞徂歲太史公過家
偶從樵夫覓得之徑路險絕人跡類罕
到莫敢先入者太史公獨賈勇進二三
子踵其後遂窮極幽隱第見竒形詭狀
碁布星列居然凌跨三洞明府倘有意
乎牛馬走當具杖屨以從余唯唯謝未
遑也十月之晦仲子復侍其從祖趙侍
御來請期語將命者曰自明府下車嚆
目而憂閭閻一歲之內兩部使者相繼
行縣書檄沓至念明府告勞矣乃者廷
無滯牘邑鮮逋租願賜餘閒以寵山靈
夫登高游目要以節勞也明府能終已
耶余重違仲子之意而大夫又從臾之
遂肩輿從大夫後遍歷諸洞壑始湧雪
次紫霞又次白雲而水簾洞終焉水簾
即太史公從樵夫所覓得而遊焉者也

洞故無名石髓從孔中流出懸綴而下
組織縈迴蔚若垂簾余愛而賞之遂因
以名同遊則有若趙建平汝申孝廉趙
子信徐敬輿胡元瑞郭叔清徐殷夫茂
才唐宗胤童孔賓范如金具在余每至
一洞輒爲之擊節不能置大夫促命仲
子授簡於余余不獲辭爲各賦詩一首
而同遊中能詩者亦更相應和共得詩
若干首真一時勝事余自惟拙劣無能
爲山靈重不腆之詞聊記始末爲後來
好事者指南耳并書一通貽之太史令
知仲子之雅好客也如此

湧雪洞

徙倚千峯信所之相傳湧雪故多竒瑤華
忽傍雲根散練色驚從洞口垂天劃靈湫
龍欲臥地藏佳境鶴先知何當謝却人間

世日對寒泉自詠詩

紫霞洞

爲憐湧雪纔遊徧咫尺相携復紫霞日月
中原標赤縣乾坤何處覓丹砂氣蒸雲漢
鋪爲錦色映緋桃併作花餐罷紅顏應可
駐轉從多病欲移家

白雲洞

自擁孤筇訪白雲千峰迴合晝氤氳遙疑
天上身能到漸覺人間路已分拂石舊題
遊客姓磨崖重勒老夫文勝情謾道頻堪
遂一去風塵總不聞

玉露洞

詩中稱水簾非定名

相傳千載秘竒蹤縹緲空瞻紫氣濃一自
藏書歸太史遂令把酒坐高春炎蒸迴覺
逾三伏遊者汗俱浹背窈窕翻疑隔萬重獨對水
簾情不淺此生能得幾相從

還道中作

幾度看山意未申
扶筇一日徧嶙峋
還將馬首雲霞色
併入新詩寄故人

再過靈洞山房同胡元瑞賦

侍臣清興託蓬蒿
遶屋新栽萬樹桃
泉石平分諸洞勝
亭臺遙對數峰高
望鄉何處看明月
遷客于時把濁醪
醉倚青山成獨笑
賦成端不讓觀濤

觀飛雲石

巨靈何處駕山來
片石稜層萬里開
天上自移承露掌
樽前吾擬望邪
含雲樹杪秋懸瀑
欲雨峰頭晝起雷
明日王喬飛鳥去
聊從諸子一徘徊

再賦玉露洞

康王谷裏舊知名
此地相看一濯纓
組練繽紛千疊起
珠璣錯落萬行鳴
盤空巧奪

天孫手捲霧偏宜野客情隔斷蓬壺纔咫尺
風塵轉自惜浮生

胡春元應麟

湧雪洞

石竇中開雪乳懸迎人百折自蜿蜒瑶池
忽覩三山下玉井平分二華前素練生風
搖大壑白波吹雨漲平川由來郢客才堪
並一借陽春洞口傳

紫霞洞

捫蘿昏黑度崔嵬萬炬山腰石扇開巨壑
迴排丹嶠出飛梁橫跨赤城來桃舒錦障
猿初下草長金光鹿未迴莫鬪謝家成綺
句朝携五色上蓬萊

白雲洞

踏盡青山興未還帝鄉仍到白雲間瓊樓
特起三千界絳闕遙封百二關自擬探遊

窮地脉誰論呼吸近天顏亦知怡悅幽人
事持贈聊當茂宰閒

玉露洞

絕磴千盤下翠微遙驚瀑色挂丹扉淋漓
恍墮鮫人窟燦爛全窺織女機天遠玉繩
浮帝座地寒珠箔護仙衣廬山谷畔尋常
見得似靈源洞底飛

雪浪盤空望漸低清湘一幅似堪携潑紋
細縮千絲潤練色平鋪萬杼齊丹闕夜懸
銀是檻絳宮晴捲玉爲梯重來莫障劉郎
步咫尺桃源憶舊題

觀飛雲石

午夜松風襲錦袍起看孤嶼矗林臯初疑
片石飛靈鷲忽似三峯駕巨鰲僊掌捫時
應折漢神鞭驅處欲驚濤何當一棹西湖
上臥對寒雲萬尺高

赴太史宴同邦相賦

卜居太史乍江潭携酒仙郎更夕嵐戶列
三峰天上下堂開六洞地東南侵堦瀑色
懸空翠入坐雲光散鬱藍十里衙齋山路
近儘教明月候歸驂

斲解朝紳臥越臺重飛仙舄傍崔嵬寒巖
雪噴雙龍下疊嶺雲驅萬鷲迴花木平泉
春縹緲藤蘿谷口暮徘徊臨池莫詫山公

與今日登高盡賦才

趙郡丞佑卿

和遊湧雪紫霞白雲玉露四洞

丹壑倚雲天共遠使君出郭興偏長爲尋
野外千峰月踏遍林間一徑霜諸洞喜留
勾漏跡萬家爭睹歲星光何當飯煮青精
夜細雨仍期過草堂

古風一首

寶華山下神仙宅勝絕迥與塵世隔使君
逸興思探竒歷盡千峰拾紫芝尋幽拄杖
看湧雪石髓寒凝生瓊屑金沙逐水成霏
微疑是玉龍鱗甲飛何年女媧墮片石煨
煉紫霞成五色光搖半壁散綺紅玲瓏若
與赤城通杳望白雲迷洞口覓逕却隨蒼
鹿走虛疑堆裏臥仙人石牀丹竈晝旻旻
雲外飛峯高百尺巉巖對峙如人立路轉
水簾深停浚太史昔年驅五丁錫名出自
勾漏令水晶珠箔尤竒勝朝來飛鳥報山
靈倏然翳霧捲蒼溟聖泉瀉入君肺腑白
龍蟠場激千古雲屋深深吐玉香梅花一
樹冷冰霜相看此夜發清嘯流水高山稱
絕調座中誰是鶻冠子獨抱黃庭談玄理
綠章夜徹九虎關頓令業海生青蓮琴音
劍氣兩芒宕凜凜清風共掀仰

胡大叅僖

湧雪洞

不見同雲起四郊飛泉常有雪花飄光搖
洞府人如畫興發陽春調轉高點點酒卮
浮玉液聲聲石竇響銀濤故知萬里塵緣
隔清夢追隨肯憚勞

紫霞洞

洞口孤霞日自飛喜逢道眼兩忘機鳴琴
堂上真仙子問俗山中一布衣景入河陽
花爛熳氣騰函谷紫芳菲同遊莫說乘虛
事飛鳥何從借寇歸

白雲洞

白雲偏與洞相宜此洞停雲我所思石磴
閑哦塵不到柴扉半掩鶴歸遲琴衣每濕
晨蒸候山屐多迷晚靄岐爲問仙郎雲卧
處可能掃得淨無遺

玉露洞

湘簾我識漾波紋山瀑垂簾亦異聞太史
文章隨處好洞天帷箔與塵分水晶光焰
長無比仙部風流迥不羣正恐歸來共幽
討玉堂青瑣各紛紜

黎秘書民表

送趙太史潑陽暫還靈洞山

赤衣銜命出金鑾到處人傾執法冠漲

海烽烟臣節昔文園休沐

主恩難歸裝

祗折梅花去關吏頻將紫氣看一榻羲皇
清夢覺依依紅日近長安

唐比部邦佐

題趙太史靈洞山房二首

地疑碧山是學士此焚魚纔到水流處便
於人境殊雲疑三洞杳石削一峯孤欲借
王維筆清清入畫圖

避喧遠卜築此意即神仙
曲路通深塢靈源吐暗泉
巖虛雲是屋地迴石爲田
祇恐蒼生迫東山不穩眠

趙文學邦甫

初夏過六虛堂

首夏相邀載酒過翠微
深處白雲阿音鏗洞口
流泉細勢蹙山腰怪石
多竹裡清謳連碧漢樽
前狂興醉青蘿即看鳳
詔趨金馬未許隆中抱
膝歌

晚酌飛雲石

六洞今重到千巖遂可攀
拂雲應卧石帶雨爲看山
樽對芳林暮天容倦羽還
如泥能共醉此意出塵寰

坐間有如泥飲之說

春日由靈洞山歷洪源諸勝

春日乘初霽探幽入邃谷
松篁夾路青細柳垂垂綠
窮磴上崔嵬懸崖依古木
羣花

爛熳開好鳥鳴林麓杖頭山氣蒸炫矣遊
人目雪澗來崑崙白石瀉瓊玉嗽吸有餘
清泠然竟忘俗拔陟詎知疲山中酒初熟
青青澗畔芹采之屢盈掬傾對出形骸薄
醕過醅醲歸路莽烟蘿夕陽下山曲天台
如可尋從茲嗣芳躅

同吳胡二友集靈洞山房

洗竹供幽興移尊傍碧泉文園新結社草
閣舊譚玄太史留賓日仙人叱石年四山
青滿室萬樹綠當筵蔣徑成初闢陶居亦
夙緣霞光詩共麗草色酒俱妍妙舞惟玄
鶴清歌愜素絃人依羣竹下觴泛百花前
曳杖招靈氣看雲悟上詮野情方下榻客
夢已鳴鞭松桂遙相候風塵未息肩何時
二三子重醉洞中天

陸侍講可教時以編修省覲

聞 詔起趙太史喜贈

聞說東山起謝安諸公俱爲一彈冠也知
萬里投南日贏得羅浮海上看

張學士位

同曾景默使君遊趙潑陽學士靈洞
山房歸來明月滿山賦此奉寄

學士岩居紫翠深幸陪五馬得相尋天開
靈洞留仙跡池有清泉淨客心鳳閣遙懸
猿鶴夢松關閒掩薜蘿陰嬋娟好月人千
里何日同棲話素襟

趙佑卿

過靈洞山房懷潑陽弟

巖棲深結洞雲居萬帙牙籤秘省書一自
東山覃詔後遂違北海掛冠初當年風月
隨吟徑此夜星辰伴直廬願祝山靈好愛
護台光長燭斗牛墟

趙邦甫

澌陽兄以南少宰暫還山房集李季
常兼父元功二弟觀牡丹

玉珮瓊琚出漢庭歸來把酒酌山靈花從
江左分奇品人向州南聚客星社稷重扶
頭尚黑林巒暫對眼猶青還將舊日飡霞
侶歌罷陽春倚醉聽

趙子敏

題澌陽兄山房

叢傍花光照玉琴閒猿時嘯翠微岑泉飛
古洞連雲碧徑入長蘿匝樹陰叢竹翠迷
梅市晚寒煙斜鎖鹿門深東山且盡登臨
其何處能忘魏闕心

春日山房賞牡丹

縹緲飛樓倚碧天筵開春日萬峯前瓊花
笑兩堪留客石竇吟風若弄絃虛左令名

懸日月同招豪氣拂雲煙習池暫假清霜
色一醉相看出輞川

張少司空西銘

題四洞詩

欲訪僊源不記程按圖如在洞天行白雲
巧繪硤中畫玉露低垂澗底清冰節故隨
湧雪壯文光常傍紫霞明却從山乘詢商
傅佐世勳由巖野成

楊太宰成

靈洞山房二首

洞靈秘啓幾何年謝傅家山興自偏碧嶺
平臨空九埜瓊臺高起接重玄庭階薦草
俱成鳳陸地生花已是蓮競寫勝圖傳上
國謾勞樹羽望中懸

岩崑萬仞逼凌蒼勝作東南激水陽晴雪
欲欺僊掌色春虹疑帶帝羅光攢排千

樹臨虛閣旖旎三英繞玉堂總是 皇恩
錫芳地標題還見灑宸章

白雲洞

陰晴朝暮靄氤氳洞口雲封隔世氛 君
在 帝鄉頻佇望還將彩筆賦停雲

紫霞洞

霞光燦爛赤城天秀色靈花映日妍每向
洞中忘歲月餐霞閒續紫芝篇

雪湧洞

雪嶺空傳未易尋何如郢客洞中吟炎蒸
自是能消却身坐冰壺清道心

玉露洞

古洞湮蕪不計年玉堂學士有仙緣探竒
已得天然勝南露應逢此地偏

吳大司馬文華

爲趙少宰灑陽賦靈洞山房

一從鳴玉起朝班是處松蘿掩舊關雲護
洞門春縹緲風吹石澗水潺湲地連梵刹
烟霞古峯對危樓日月閒正喜夔龍逢世
泰未應容易夢青山

汪司馬道昆

余少游蘭谿三洞乃今畢歸少宰公
仍搜一竒曰玉露因寄題七言近體
一章

河陽猶憶舊行春洞口桃花幾度新一自
山靈歸太史更擎露掌出僊人藏書石室
孤雲裊啜茗池亭獨鶴馴不用研朱供點
筆六虛元與太初鄰

董少卿裕

題靈洞山房二首

誰構精廬石與居天留太史貯圖書
窈窕踰三洞堂倚昭回御六虛雲護玉虬

飛雪液池邀月姊浴瓊瑤三山忽擁靈鼈
起紫氣遙看入紫墟

歸去山中不厭深來從天上憶山林霞標
猶絢傳臚彩霓磧長含濟旱霖靜後丹經
緘石壁夢中蘿月傍朝簪至人轍跡原無
定不見商岩渭水陰

陳京兆文燭

爲趙學士賦靈洞山房又四洞

卜築蘭陰草木香杖藜如在赤城傍猗玗
深處兵堪避玉乳閑來味自長雲外鳥聲
三洞口風前松韻六虛堂故人倘有二三猷
興孤艇先過潑水陽

白雲洞

賢人隱大雲亭亭出洞口車蓋白霓裳卷
舒如在手觸石太平徵郁郁紛紛走寸合
不崇朝油然雨九有

紫霞洞


山靈近天台蒼彩流五色赤水氣自蒸丹
砂永無渤海嶠動金光出沒照王國軒舉
得長生食之暉八極

湧雪洞

積素總天成霏霏流石髓浚谷漱瑤臺崇
崗轉玉壘心神真可瑩柳絮鱗嶰起北門
學士來躑躅東郭履

玉露洞

維石巖巖中湛湛滴甘露仙掌峙高峰山
溜多天乳泛灑潤玉堂靈液挂瓊樹主人
在上林金莖如可賦



原件短缺

P1-P22

方侍御萬山

賦靈洞山房二首

高人抱幽致卜築倚林岑雲起三山潤霞
棲六洞陰機忘麋作伴興到鳥供吟笑傲
南窓下悠然太古心

太史讀書處金華第一泉六虛祛外障一
榻契先天採藥仙源近捫蘿古洞懸傳巖
差可擬夢卜起高賢

陳侍御邦科

白雲洞

馭鶴居然天外峯洞房應遣白雲封星高
宿處三台映日近飛來五色重共向金門
占大隱獨於石室秘竒蹤不因 聖主爲
霖切那許人間識卧龍

紫霞洞

曾帶香煙漢署回雲霞偏向洞門開赤城
秀奪千秋色太史名高一代才忽爾靈光
飛日觀依然紫氣抱星台篋中賸有山公
啓何似當年五色裁

湧雪洞

仙人原住玉華宮况復銀河一派通兔苑
寒光穿窈窕剡溪曙色透玲瓏天風夜入
吹還落海月臨秋照自空郢調由來稱和
寡不知清唱許誰同

玉露洞

百尺懸泉瀉石根君從何地覓真源月寒
乳滴金人掌秋淨漿涵玉女盆萬里有身
辭瘴海十年無夢記文園亦知尺五天仍
近到處偏逢雨露恩

考功司周主政應治

白雲洞

洞中僊子今何在洞口白雲空自飛三素
却疑朝帝闕五華不斷鎖靈扉瓊柯密布
青天半玉檢遙封絳殿微深處卧來閒寄
興卷舒應共息塵機

紫霞洞

翠壁青蘿洞穴寒石牀錦幃起仙壇試觀
巖竇留霞色猶是當年煉液丹赤氣遠從
員嶠發緋柈疑入武陵看主人解得刀圭
訣此地金光朝可食

湧雪洞

六出浮空散曉華何年飄泊度龍沙分來
太液天爲水湧入瑤池壁作花光凝玉馬
千巖白影亂銅駝萬疊斜隔絕紅塵疑北
闕洞門遙見海神車

玉露洞

林扃深鎖幾千年湛液無聲落九天滿目
珠璣金井瀑一簾湘素玉堂懸香浮寶瓮
丹丘秘光溢靈山姑射仙記得禁廷供奉
日朝朝承露未央前

靈洞山房古風一首

昔聞金華仙棲真在巖穴朝餐九光霞夕
臥赤松雪白石化爲羊神通與世絕至人
達玄象從之覓丹訣陟彼靈鷲巔直上清
都闕猿鶴紛相從煙霞互出沒華露吸其
精紫雲隨杖屨客有駕鹿車自言安期列

雙雙白玉女盈盈捧明月軒舉迎風來邂逅相對說授以龍嶠經去影忽復滅延首仰望之悠然懷遠結藥采青谿鉛鑪煉黃金液石室藏素書三山羅若垤逍遙壺公壺洗易東方骨曠漭遊無窮長與塵寰別

稽勳司馮正郎景隆

白雲洞

山隈款跨合千峯洞口蒸雲簇素封注看郊原沛霖澤還疑玉闕走羣龍

紫霞洞

鬱茵紫氣自南來曉映晴巒錦幃開此地餐霞誰是主謫仙曾住小蓬萊

湧雪洞

寒谷風生噴石華五車兩騎不能遮炎荒信有冷然處皎潔瓊臺是我家

玉露洞

持炬探幽跡更紆垂深峭石乳懸珠盆中
靈液應常滿不羨華陰木上酥

大理寺蘇司務民懷

讀靈洞山房集因想像諸佳勝雖未得
從杖屨而此心已神遊之矣恭述短章
一首聊志向往之意云

我公廟廊姿雅尚耽丘壑選勝愛巔岼懸
崖構高閣當戶列芙蓉雲霞千嶂落蹬棧
阻紆迴林巒互叅錯巖洞嵌玲瓏乳竇何
年鑿溜淺石牀平峯墮危如削天巧紛趨
人名狀記大約流觀萬象來日月自迴薄
塵襟寫鬱陶冲意寄寥廓高步揖夔龍因
聲謝猿鶴方是直蓬萊未得事栖託弱羽
滯纓樊躋攀負心諾未到神已馳想及意
先著何日獲從游游試春山屨

大理寺胡評事旦

題靈洞山房用韻

夙聞靈洞勝彷彿想蓬萊舊列金華觀初
標玉署臺雲霞簷畔出泉溜石間來境寂
機緣盡山空日月迴焚魚欣獨憩覓徑愜
重開了悟六虛理高風斯邈哉

應天吳司訓子玉

少宰趙澱陽公靈洞山房集公自著有
白雲紫霞湧雪玉露四洞諸雄製序記

甚富一時文苑競爲題訊是時公任南
少宰而家山在望因刻是集呈於几案
間至爲繪圖以傳者子玉因賦四首

白雲洞

選勝凌高天上來瞰排洞戶白雲隈花因
密葉無全墜樹結繁柯有別臺引麝香鑪
峯勢轉從龍羽蓋石痕開帝鄉詎奈家
山望一撫真圖片錦裁

紫霞洞

浮丘鍊氣碧巖寬
片片真成紫色看
萬石染來蘭谷豔
千花燃著潑波丹
帳紆文藻偏含麗
杯薦流漿不畏寒
見說輶車霞可馭
台庭早晚拜

全鑾

秀書洞

上公閱賞契天靈
心靈洞時傳郢客吟
筆彩日邊飛絳雪
歌聲天外落青林
堂元璪玉裝妍
色人是瀛仙
淨愔襟袂怪標
題才自湧紛搖銀
磧瀉來深

玉露洞

丹崖綴露玉龍葱
不釀僊鑪玉酒同
汎掌塵銷三嶂外
流杯光逗六虛中
真庭瑞蕊圖堪匱
洞府靈滋咏自雄
總是皇家恩液沛
還如方朔獻彤宮

周徵君天球

題靈洞山房

帝留仙境予仙卿萬壑中開一砥平樓閣
迴從雲表出竹松常倚日邊榮清泓石鏡
涵神灑髮髯芙蓉擁化城莫謂將從赤松
去相過松鶴足怡情

層巖杳嶺鬱青倉下瞰方壺隱玉房窈窕
剪穿三洞窅岩堯對起五峯長劃開天地
三官谷深護雲霞華子岡靈境千秋應有
待著書成日此中藏

黃侍御仁榮

題靈洞山房

碧雲山翠鎖閒房曲水幽深駕石梁礧戶
曉看瑤草滿洞門春到紫芝香天台霞片
當峯落禹穴書篇此地藏況是主人王佐
日誰言高卧得羲皇

梁主政鵬

白雲洞

雖是夔龍侶應同巢許心巖虛蒼靄合洞
古白雲深觸石千峯潤從龍萬壑陰興來
時獨往蘿月下煙林

紫霞洞

丹霞迷洞口遙自赤城來縹緲烟霏處氤
氲錦作堆桃花薰客夢石竹罨行杯虛谷
自生聽飄飄仙吹迴

湧雪洞

鳴淙飛玉乳絕壁瀉寒流疊石千層浪重
巖六月秋斜光穿洞壑返照到林丘何事
閨風客知爲物外游

玉露洞

水簾晴一幅掛在翠巖前冷浸莓苔雨涼
生薜荔烟縣崖如欲墮疊巘遠相連應與
紅塵隔壺中別有天

歐虞部大任

趙司成自秣陵書戒胡元瑞導予遊山
洞遇雨留飲館中對菊賦此以報司成
精舍山盤雨裏斜藏書何處更煙霞未窺
祭酒蘭陵簡獨把徵君栗裡花留客清尊
沾沆瀣懷人新詠寄蕪葭神鞭辱贈慚無
報勾漏將求葛令砂

周民部世科

題趙太史靈洞山房

新除洞壑獨幽虛學士探竒此著書迴合
崕巒吞海色紆盤窟宅類秦餘天開丹境
雲爲幄臺倚蘭溪石作廬勝地落成方啓
事肯容巾舄碧山居

白雲洞

靈源孤秀一尋盟谷口浮雲指顧生噓氣
從龍紛詭異爲霖出岫半陰晴萬年洞秘

金華勝五色光騰赤石英遙縱步虛十里
目海天呼吸起縱橫

紫霞洞

斗折壺天逼九霄飛虹橫跨洞門遙嵐光
乍散千山紫蜃氣晴連萬里潮雲漢鬱蒸
滄海秀氤氲疑奪赤城標最憐片片緋
色偏入斜陽雨外驕

湧雪洞

巉岩四面俯丹丘中有仙人洞壑幽窈窕
石門飛玉屑玲瓏龕壁吐靈湫雲根倒瀉
千珠潤乳窟寒生六月秋虛谷時聞滴清
響窮源何處不瀛洲

玉露洞

碧洞清虛玉露偏水簾湛湛翠微前晴飛
瀑布香泉掛石吐寒聲法磬懸鍾乳滴雲
靈液遠金莖墮掌蓋珠圓應知沆瀣沾承

處信是仙源咫尺天

顧膳部汝學

靈洞篇十二韻

靈洞誰爲闢磨崖學士題百年悲落莫此
日快攀躋縹緲雲霞麗蕭疎林壑淒六虛
堂傍竹太液水緣谿石削簾懸瀑巖深徑
滿萸烟蘿青入戶雲構碧成梯散秩傳中
秘然燈有杖藜却疑叢桂隱直是碧山棲
人貌神仙似天恩雨露齊詎云歌澗谷端
合咏鳧鷖紫閣勳方茂蒼生望不迷懸知
幽興劇畫障日堪攜

湯祠部顯祖

靈洞篇

赤松隱靈勝寶婺明真淑高霞流紫白鳴
泉亂松竹叅煙石藤古瀉月蓮峰獨時栢
唼葢禽或倚銜花鹿春橋遊士女烟臯下

樵枚丘壑自專一巖洞古傳六芊縣步東
迥散空臨下轟雨華石乳滴日氣丹芝馥
蕪沒半千歲始獲第三谷太史此藏書江
潭遂初服待講金華殿試結蘭陰屋隔以
清淺流障以森沉麓激耳流風鮮過歸
雲熟夜明山氣深巾帶坐如沐吾鄉張與
鄧於茲信焉宿雲跡各飛眇世事有牽促
出山亦偶爾幽意豈忘目流想青桂遲坐
嘆紅蘭速祗恐丹青人無因反巖築

曾春元仕鑑

靈洞山房四十四韻

地挹金華勝山標激水竒六巖紆洞府雙
溜匯天池柳暗橋偏隱松迷徑轉疑開林
青嶂出倚杖白雲隨宅閔仙靈久書藏太
史宜計先歸隱卜俸罄買山資金馬言曾
抗周南滯不辭道高容偃蹇心遠合棲遲

不用誇盤谷還能勝漢陂堂虛嵐隱見樓
靜樹參差象逼中峯峭雲扶削石歆寒淙
鏘戶牖皎月鏡漣漪蓬闢過求仲魚游樂
惠施雄談消載酒清興續彈碁掃葉供烹
茗分泉命者葵冥搜羣子姓欣賞集垣簷
芹熟青泥飯香傳大谷梨捫蘿同陟險采
藥獨忘疲涼籟軒蕭爽陰崖日蔽虧竹牀
酣睡花塢曝晴曦寂寞成玄草逶迤秀
洞壑陰陰紫翠連卜居曾賦玉堂仙煙霞
自結長春色木石常懸太古天松掛暮雲
閑鶴夢池涵汐月伴龍眠只今已出爲霖
雨芝草琅玕自歲年

